

Քիւ 25506

Սեպտեմբեր 18, 1979

Հոգեշնորհ
Տ. Վազգէն Ծ. Վրդ. Բէշիշեան
Առաջնորդի Փոխանորդ Գանատայի
Թորոնթօ.

Սիրելի Հայր Վազգէն,

Ստացած ենք Օգոստոս 29, 1979 թուակիր ձեր նամակը:

Այսու գիրով պաշտօնապէս կը հաստատենք Սուրբ Խաչ Հայց. Եկեղեցի
անունով երկրորդ ծուխը Թորոնթոյի մէջ, որպէս Հայց. Եկեղեցւոյ Հիւ-
սիսային Ամերիկայի Արեւելեան թեմի համայնքներէն մէկը:

Կը մաղթենք որ Օգոստոս 14, 1979 թուակիր մեր նամակով նշանակուած
օրական Խորհուրդը, ձեր նախագահութեամբ՝ իբրեւ Առաջնորդի Փոխանորդ
Գանատայի, Հայց. Եկեղեցւոյ Հիւսիսային Ամերիկայի Արեւելեան թեմի
Կանոնադրութեան համաձայն, կազմակերպէ Ս. Խաչ Հայց. Եկեղեցւոյ մեր
համայնքը, որպէս զի մեր զաւակներուն հոգեւոր, կրթական, մշակութային
եւ ազգային ընկերական կեանքը ամի համակարգ եւ կազմակերպել, հաւա-
տարիմ մնալով մեր հայրերու հաւատքին եւ մեր ժողովուրդի պատմութեան:

Սիրոյ ողջունիւ

ԹՈՐԳՈՄ ԱՐՔԵԳԻՍԿՈՊՈՍ
Առաջնորդ

Թիւ 26474

Օգոստոս 14, 1979

Հոգեշնորհ
Տ. Վազգէն Ծ. Վրդ. Քէշիշեան
Առաջնորդի Փոխանորդ Գանատայի
Թորոնթօ.

Սիրելի Հայր Վազգէն,

Թեմական Խորհուրդի Օգոստոս 10, 1979 նիստին մէջ անդրադարձանք մեր եւ Թեմական Խորհուրդի ամբողջ կազմին ունեցած առաջին պաշտօնական հանդիպումին՝ ձեր եւ Թորոնթօ բնակող մեր զաւակներէն տասներեք ազգայիններու հետ, 1979 Յուլիս 14, Շաբաթ օր, Թորոնթոյի Ս. Երրորդութիւն Հայց. Եկեղեցւոյ մէջ:

Այս հանդիպումին զլիսաւոր նպատակն էր օրինաւոր միջոցներով հաստատել երկրորդ համայնք մը Թորոնթոյի մէջ:

Մեր եւ Թեմական Խորհուրդի զոհունակութիւնը կը յայտնենք որ հրաւիրուած տասներեք ազգայինները պաշտօնապէս յայտարարեցին որ իրենք որոշած են հնազանդիլ Առաջնորդին եւ Թեմական Իշխանութեան եւ պատրաստակամ են իրենց տրուելիք հրահանգներուն համաձայն կազմակերպել Թորոնթոյի մէջ մեր երկրորդ համայնքը Ս. Խաչ Հայց. Եկեղեցի անունով:

Վստահ ենք թէ ուղիղ եւ բարի մտադրութեամբ առաջադրուած այս նպատակը պիտի իրագործուի հարթելով անցեալի տարակարծութիւնները, եւ գործածելով մեր զաւակներուն հոգեւոր եւ իմացական տաղանդը եւ կարողութիւնները՝ մեր հոգեւոր մօր՝ Հայց. Սուրբ Եկեղեցիի հովանիին ներքեւ իմբելով զանոնք եւ բարգաւաճեցնելով անոնց կրօնական, մշակութային, ազգային, կրթական եւ ընկերային կեանքը:

Յուլիս 14ին տեղի ունեցած խորհրդակցութեանց հիման վրայ եւ յստակ ընելու համար կատարուելիք աշխատանքներու ուղեգիծը եւ պատասխանատուութիւնները, ձեզի կը հրահանգենք պատշաճը տնօրինել հետեւելով ձեզի տրուած ցուցմունքներուն:

1. Թեմական Խորհուրդը նկատի ունեցաւ Թորոնթոյի մէջ կազմուելիք երկրորդ ծուխի մը կազմակերպման համար իր նշանակած յանձնախումբը եւ նաեւ նկատի առաւ ստացուած տեղեկութիւնը թէ երկրորդ ծուխէն հաւանական ծխականներ ժողով գումարելով որոշ անձեր ընտրած են իբրեւ ծխական Խորհուրդ: Վերոյիշեալ տուեալները նկատի ունենալով, ներկայ գիրով կը լուծենք որեւէ եւ թուր մարմինները եւ յանձնախումբերը՝ որոնք նախապէս նշանակուած կամ ընտրուած են գործելու երկրորդ ծուխի անունով, եւ հետեւեալ անձերը կը նշանակենք Առժամեայ ծխական Խորհուրդ Թորոնթոյի մէջ կազմուելիք երկրորդ ծուխին Սուրբ Խաչ Հայց. Եկեղեցի անունով.

- Տոբթ. Վարդան Այնճեան
- Տիար Անդրանիկ Զաքարեան
- Տիար Սուրէն Էվրան
- Տիար Եղիա Թորոսեան
- Տիար Մարտիկ Հէքիմեան
- Տիար Յակոբ Նար
- Տիար Ղեւոնդ Շահմելիքեան
- Տիար Լեւոն Չէօմլէքեան
- Տոբթ. Վահէ Սվաճեան
- Տոբթ. Վաչէ Քերամեթլեան
- Տիար Յակոբ Քէլէշեան
- Տիար Արմէն Քիւրքճեան
- Տիար Ժան ֆէնէրճեան

2. Կը հրահանգենք ձեզի որ վերոյիշեալ անձերը հրաւիրէք ժողովի՝ ուր զաղանի բուլետարկութեամբ եւ ներկաներու մեծամասնութեան բուլետով պէտք է ընտրեն Ատենապետ եւ Փոխ Ատենապետ, Ատենադպիր եւ Փոխ Ատենադպիր, Գանձապահ եւ Փոխ Գանձապահ, եւ եթէ անհրաժեշտ է այլ պաշտօններու համար պատասխանատուներ՝ եւ անոնց անունները մեզի ներկայացնէք վաւերացման համար: Համեցէք նաեւ դրկել իւրաքանչիւրին հասցէն եւ հեռաձայնի թիւը:

3. Նշանակուած վերոյիշեալ անձերը պիտի ծառայեն հրահանգներուն համաձայն Առաջնորդին եւ Թեմական Խորհուրդին: Եւ Առժամեայ ծխական Խորհուրդի ոեւէ մէկ անդամ որ կ'անսաստէ կամ հակառակ կը գործէ տրուած հրահանգներուն՝ ենթակայ կ'ըլլայ պաշտօնէ հեռացուելու Առաջնորդի եւ Թեմական Խորհուրդի պաշտօնազրով եւ կ'արգիլուի որեւէ հանգամանքով Սուրբ Խաչ Եկեղեցիի անունով գործելու:

4. Առժամեայ ծխական Խորհուրդը պարտի հետապնդել եւ կատարել հետեւեալը.

- ա. նկատի ունենալով Թորոնթոյի մէջ Ս. Երրորդուլթիւն Հայց. Եկեղեցւոյ ծուխին ներկայութիւնը եւ անդամութիւնը, Ս. Խաչ Եկեղեցւոյ անդամ անձանազրուող ամէն անհատ պարտի ստորագրել տրատու անդամութեան համար պատրաստուած հաստատագիրը: --Տես օրինակը--
- բ. Իւրաքանչիւր տրատու անդամ պարտի վճարել իր տարետուրքը, որ նուազագոյն 15 տուար է:

գ. Կարգադրութիւններ ընել առաջին Տարեկան Անդամական ժողովը գումարելու 1980 Փետրուար ամսու մէջ՝ նախագահութեամբ Գանատայի մէջ Առաջնորդի Փոխնորդին:

դ. 1980 Փետրուարին գումարուելիք առաջին Տարեկան Անդամական ժողովին մասնակցելու եւ քուէարկելու, եւ ծուխին մէջ որեւէ պաշտօնի ընտրուելու համար, իւրաքանչիւր անհատ պարտի իրաւսու անդամ դառնալ 1979 Նոյեմբեր 15էն առաջ՝ ամբողջացնելով ա. եւ բ. հատւածներուն մէջ յիշուած պայմանները:

--Հաճեցէք նկատի ունենալ որ միայն այս առաջին անգամուած համար եւ այս նպատակով գանց կ'առնենք մեր Թեմական Կանոնադրութեան յօդուած 7ի մէջ յիշուած պայմանները: Առաջին Անդամական ժողովէն յետոյ, Կանոնադրութեան ցուցմունքներուն կը հետեւիք:--

ե. Ոչ մէկ պարագայի Առժամեայ Ժխական Խորհուրդը կրնայ որեւէ պարտաւորութեան տակ դնել ծուխը կամ Առաջնորդարանը որեւէ նպատակով կամ պատճառով կալուածական գնում կատարելով կամ շէնքի գործածութեան անուսով վարձքի եւ կամ այլ ծախքի ենթարկելով, առանց կանխաւ արտօնութիւնը ստանալու Առաջնորդին եւ Թեմական Խորհուրդին:

զ. Տնոր տնօրինութիւն, Հայց. Եկեղեցւոյ Հիւսիսային Ամերիկայի Արեւելեան Թեմի Առաջնորդի Փոխնորդը Գանատայի մէջ այս համայնքին կրօնական եւ եկեղեցական գործերուն անմիջական պատասխանատուն պիտի ըլլայ:

է. Սուրբ Խաչ համայնքի տնտեսական եւ վարչական գործառնութիւնները պիտի կատարուին նախագահութեամբ Առաջնորդի Փոխնորդին եւ ծուխին բոլոր ձեռնարկները պէտք է ձրագրուին համաձայն Հայց. Եկեղեցւոյ Հիւսիսային Ամերիկայի Թեմական Կանոնադրութեան:

5. Գիտակ ըլլալով որ Հայց. Եկեղեցւոյ Հիւսիսային Ամերիկայի Թեմը իբրեւ իրաւական անձնաւորեալ կազմակերպութիւն արձանագրուած է Միացեալ Նահանգաց Նիւ Եորք Նահանգի մէջ՝ որեւէ օրինական վաւերագիր ստորագրելու կամ կանոնական ըարեփոխումներ կատարելու համար Սուրբ Խաչ համայնքի ոեւէ եւ բոլոր ներկայացուցիչները ենթակայ են Առաջնորդին եւ Թեմական Խորհուրդի հրահանգներուն, յարգելով Գանատական օրէնքներու տրամադրութիւնը:
6. Առժամեայ Ժխական Խորհուրդի մէջ ծառայելու համար նշանակուած ոեւէ մէկ անդամի տեղ, որ անկարող է իր պարտականութիւնները կատարել մահուան, հրաժարման կամ առանց պատճառի չորս յաջորդական ժողովներէն ըսցակայելու կամ այլ պատճառաւ, Առաջնորդը եւ Թեմական Խորհուրդը նոր անդամ մը կը նշքնակեն:
7. Բոլոր թղթակցութեանց եւ արձանագրութեանց օրինակներէն պէտք է պահուին նաեւ Առաջնորդի Փոխնորդին մօտ:

8. Ս. Խաչ Հայց. Եկեղեցւոյ անունով պետութեան մօտ արձանագրուած կանոններու մէջ կատարուելիք անհրաժեշտ փոփոխութիւնները յառաջիկային պիտի ներկայացնենք, համաձայնեցնելու համար զանոնք Հայց. Եկեղեցւոյ Հիւսիսային Ամերիկայի Թեմի Կանոնադրութեան տրամադրութեանց հետ:

9. Թեմական Խորհուրդի Օգոստոս 10 նիստին մէջ ակնարկութիւն եղաւ Յունիս 27, 1979 թուակիր գրութեան մը որ Յունիս 14ին մեր հանդիպումէն յետոյ ղրկուած է զանազան անձերու եւ որուն ներքեւ ղրուած տասնըերեք անուններէն վեցը ներկայիս մեր հաստատելիք Առժամեայ Եփական Խորհուրդի անդամներու ստորագրութիւնն են: Թեմական Խորհուրդի նիստին մէջ որոշեցինք աննկատ թողուլ այս անխորհուրդ արարքը, վստահելով Յունիս 14ի ժողովին մէջ նոյն անձերու ցուցաբերած ուղղամիտ կեցուածքին եւ յայտարարութեան:

Մեր թելադրութիւնն է որ զիրար քաջալերէք ``ի գործս բարիս``, որպէս զի ստանան որ ակնդէտ պատրաստ է իրենց հաւատքին մէջ հաստատ մնացողները խորքալելու՝ ամօթալից հեռանայ ձեր մէջէն: Կը մաղթենք որ Աստուծոյ օրհնութիւնը անպակաս մնայ ձեր եւ Ս. Խաչ Հայց. Եկեղեցւոյ Առժամեայ Եփական Խորհուրդի եւ մեր Եկեղեցւոյ բոլոր զաւակներուն վրայէն:

Սիրոյ ողջունիւ

ԹՈՐԳՈՄ ԱՐՔԵՊԻՍԿՈՊՈՍ
Առաջնորդ